

AEN CANGHCWNGZ CUNGGUEK GUNGCANJ CUJYI CINGHNENZDONZ

(Cungguek Gungcanj Cujyi Cinghnenzdonz Daih Cibbet
Baez Daengx Guek Daibyauj Daihhoih bouhfaenh
coihgajj, 2018 nienz 6 nyied 29 hauh doenggvaq)

Cungjcwz

Cungguek Gungcanj Cujyi Cinghnenz-
donz dwg aen cujciz ginzdonz bouxcoz senh-
cin youz Cungguek Gungcanjdangj lingjdauj ,
dwg aen hagdangz gyoengq bouxcoz youq
ndaw sizcen hag yiengh sevei cujyi miz
Cungguek daegsaek caeuq gungcanj cujyi ,
dwg gij bangfwngz caeuq rengz bwlaeng
Cungguek Gungcanjdangj.

Cungguek Gungcanjdangj lingjdauj dwg aen daegcwnq ceiq bonjcaet yiengh sevei cujyi miz Cungguek daegsaek, dwg aen youhsi ceiq hung yiengh cidu sevei cujyi miz Cungguek daegsaek. Cungguek Gungcanj Cujyi Cinghnenzdonz genhgez yungjhu aen ganghlingj Cungguek Gungcanjdangj, aeu MajgwzswH Lezningz Cujyi、Mauz Cwzdungh Swhsiengj、Dwng Siujbingz Lijlun、“Sam Aen Daibyauj” Cung’yau Swhsiengj、GohyoZ Fazcanjgvanh、Aen Swhsiengj Sevei Cujyi Miz Cungguek Daegsaek Seizdaih Moq Siz Ginbingz guh hengzdoengh ceijnamz.

Cungguek Gungcanj Cujyi Cinghnenzdonz genhgez gvancez gij gihbwnj lijlun、gihbwnj loh sienq、gihbwnj fanghloz aen dangj, gaijfang swhsiengj, ciuq saedsaeh bae guh, caeuq seizdaih caez baenaj, gouz

caen guh saed, comzgiet daengx guek gak cuz bouxcoz giendingh mbouj bienq bae riengz dangj byaij, vih gensez guek raeuz baenz aen sevei cujyi yendaiva guekak fouq-giengz minzcuj vwnzmingz huzndei gyaeu-ndei, vih gatsat saedyienh gungcanj cujyi bae haenqrengz guh.

Cungguek Gungcanj Cujyi Cinghnenz-donz ndaej Cungguek Gungcanjdangj lingj-dauj cix fazcanj hungcoek, itcig cungj ndwn youq baihnaj gwzming doucwnggh, miz gij liz-sij miznaj. Youq ndaw cincwngz laebhwnj Cungguek moq, dinghlaeb caeuq gyamaenh aen cidu sevei cujyi, fazcanj gij ginghci, cwngci, vwnzva sevei cujyi fazveih le gij cozyung rengzmoq caeuq duzgizdui, vih dangj gungganq, soengq bae le daih buek ligliengh moq caeuq gunghcoz guzgan. Cib'it

Gaiq Sam Cung Cienzhohi aen dangj dox-
daeu j, gungcinghdonz gaengawq gungchcoz
cungsim aen dangj senjnod, gaenjmaed hop-
heux gaijgwz hailangh caeuq ginghci gensez
bae guh gungchcoz, vih doicaenh aen saeh-
nieb gensez sevei cuji yendaiva guh ok le
gungyen youqgaenj, coicaenh le daih boux-
coz ndaej cangqheiq hungmaj. Yiengh sevei
cujyi miz Cungguek daegsaek haeuj daengz
seizdaih moq, gungcinghdonz gaenjgaenj
hopheux aen cawjdaez seizdaih, laebsim
gaijgwz cauhoq, genhciz coengzyiemz
guenj donz, comzgiet daiqlingx gyoengq
bouxcoz youz aen dangj lingjdauj haenqrengz
bae gyahaeuj gij sengdoengh sizcen aen dou-
cwngh hungmbwk、 aen gunghcwngz hung-
mbwk、 aen saehnieb hungmbwk、 aen loq-
siengj hungmbwk.

Gij gihbwnj yinvu Cungguck Gungcanj
Cujyi Cinghnenzdonz youq seizdaih moq
dwg: Yaengx sang mbaw geiz hungmbwk
yiengh sevei cujyi miz Cungguck daegsaek,
aeu Aen Swhsiengj Sevei Cujyi Miz Cung-
guck Daegsaek Seizdaih Moq Siz Ginbingz
guh dazyinx, giendingh mbouj bienq bae
gvancez gij gihbwnj loh sienq aen dangj youq
duenh cogaep sevei cujyi, aeu ginghci gen-
sez guh cungsim, genhciz seiq hangh gih-
bwnj yenzcwz, genhciz gaijgwz hailangh,
cietsaed baujciz caeuq demgiengz cwngci-
sing、 senhcinsing、 ginzcungsing, dawz
gungganq bouxgensez caeuq bouxciepan se-
vei cujyi dangguh gaenbonj yinvu, dawz gya-
maenh caeuq gyadaih gij ginzchung giekdae
bouxcoz aen dangj gaemgiengz dangguh cwng-
ci cwzyin, dawz hopheux cungsim、 fuzvu

daihbuenz dangguh gunghcoz cawjsienq, yungh aen haedsim gyaciz dijhi sevei cujyi bae gyauyuz bouxcoz, youq ndaw sizcen hungmbwk gensez yiengh sevei cujyi miz Cungguck daegsaek, son'gyauq ok gij bouxcoz miz lijsiengj, miz daudwz, miz vwnzva, miz gijliz, roengzrengz vih dangj soengq bae lwed moq, vih guekgya gungganq gij vunzcaiz lwgcoz guh gensez, comzgiet daiqlingx gyoengq bouxcoz, gag baengh swheij, ganhoj cauhnib, gaenxmaenx doidoengh sevei cujyi ginghci gensez, cwngci gensez, vwnzva gensez, sevei gensez, swnghdai vwnzmingz gensez, doxcanj gyahaeuj ndaw sizcen cienzmienh hwnqbaenz aen biengz siujganh, cienzmienh gyalæg gajgwz, cienzmienh ciuqfap guenj guek, cienzmienh coengzyiemz guenj dangj, vih saedyienh aen muzbyauh

haenqguh “song aen bak bi”、saedyienh aen loqsiengj Cungguck Cunghvaz Minzcuz daih fukhwng gunghawj dungxcaiz caeuq lig-liengh.

Cungguck Gungcanj Cujyi Cinghnenz-donz gyagiengz swhsiengj cwngci gunghcoz, dawz swhsiengj cwngci gunghcoz ronzoeng cienzbouh gunghcoz soj guh. Cujciz bouxcoz hag Majgwzswh Lezningz Cujyi、Mauz Cwzdungh Swhsiengj、Dwng Siujbingz Lijlun、“Sam Aen Daibyauj” Cung’yau Swhsiengj、Gohyoz Fazcanjgvanh、Aen Swhsiengj Sevei Cujyi Miz Cungguck Daegsaek Seizdaih Moq Siz Ginbingz, gvangqlangh bae guh gihbwnj loh sienq aen dangj gyauyuz, aigoz kujyi、cizdij kujyi caeuq gij swhsiengj sevei kujyi gyauyuz, aen haedsim gyacizgvanh sevei kujyi gyauyuz, Cunghvaz conzdungj vwnzva

maenhndei、 gwzming vwnzva、 gij senhcin vwnzva sevei cujyi gyauyuz, lizsij ciuhgyawj、 lizsij ciuhneix gyauyuz caeuq guekingz gyauyuz, minzcuj caeuq fazci gyauyuz, demgiengz bouxcoz gij cingsaenz gag gingqcungh、 gagsaenq caeuq gag'ak minzcuz bonjfaenh, laebhwnj gij lijsiengj、 saenqniemh caeuq gij yawjfab gvendaengz seiqgyaiq、 gij yawjfab gvendaengz ciuhvunz、 gij yawjfab gvendaengz gyaciz cingqdenq, caiq demgiengz gagsaenq roenloh、 gagsaenq lijlung、 gagsaenq cidu、 gagsaenq vwnzva yiengh sevei cujyi miz Cungguk daegsaek, roengzrenz hawj bouxcoz bienqbaenz vunz moq seizdaih ndaej rapdawz rapnaek fukhwng minzcuz. Doiq donzyenz itdingh aeu guh gij lijsiengj caezcaemh yiengh sevei cujyi miz Cungguk daegsaek caeuq gij lijsiengj gyae-

raez gungcanj cujyi gyauyuz. Roengzrengz bang bouxcoz hag gij gohyoz vwnzva cihsiz ciuhneix, supsou caeuq doiqciuq sojmiz gij vwnzmingz cwngzgoj vnzloih sevei cauh ok haenx, daeqceih gij swhsiengj nduknaeuh swhbwnj cujyi caeuq funghgen cujyi cimq-myax, mboujduenh daezsang gij swhsiengj daudwz suciz caeuq gohyoz vwnzva suciz bouxcoz.

Cungguek Gungcanj Cujyi Cinghnenz-donz daiqlingx bouxcoz youq ndaw ginghci sevei fazcanj fazveih gij cozyung rengzmoq caeuq duzgizdui. Ngaeundaet gij cujyau mauzdun sevei guek raeuz gaenq cienjvaq baenz yiengh mauzdun gij siengjmuengh saedcej gyaeundeih yinzminz ngoenz beij ngoenz demmaj hoeng fazcanj mbouj bingz-yaenx mbouj cungfaen, cujciz bouxcoz cam-

gya gij sizcen gaijgwz hailangh caeuq gensez
sevei cujyi yendaiva, gvancez aen leixniemh
fazcanj cauhmoq、hezdiuz、loegsaek、hai-
langh、caeziengj, coicaenh saedhengz aen
canloz gohgyau hwng guek、aen canloz
baengh vunzcaiz giengz guek、aen canloz
cauhmoq doidoengh fazcanj、aen canloz
saenqhwng lajmbanj、aen canloz gihyiz hez-
diuz fazcanj、aen canloz ndaej lienzdaemh
fazcanj、aen canloz ginhminz yungzhab faz-
canj, laebhwnj gij gvanhnen gohyoz gisuz
dwg swnghcanjliz daih'it, laebhwnj gij
gvanhnen cauhmoq dwg gij doenghlig daih'it
yinxlingx fazcanj, gaemdawz caeuq yinh-
yungh gij gohyoz gisuz senhcin, hagsib
caeuq hab'wngq gij guenjeleix fuengsik ciuh-
neix, lauxsaed guhhong, gamj bae cauh-
moq, vih fazcanj sevei swnghcanjliz, dem-

giengz cunghab gueklig, daezsang yinzminz swnghhoz suijsingz, saedyienh aen canloz muzbyauh ginghci sevei fazcanj guek raeuz laebgoeng laebnieb.

Cungguek Gungcanj Cujyi Cinghnenz-donz gvancez aen yenzcwz dangj guenj bouxcoz, cungfaen fazveih gij cozyung lumj diuzgiuz caeuq diuzsai dangj lienzhaeh bouxcoz, vih dangj guh ndei bouxcoz ginzcong gunghcoz. Gaenx bae bang dangj caeuq cwngfuj guenjleix gij hongsaeh bouxcoz, hezdiuz dukcoi doeksaed gij fazcanj gveihva gven-daengz bouxcoz, cujdung raphwnj gij ciz-nwngz goenggungh hab raphwnj, fuzvu guekgya ceihleix dijhi caeuq ceihleix naengzlig yendaiva. Youq mwh henhoh gij leih'ik guekgya caeuq yinzminz doengzseiz daibyauj caeuq henhoh gij leih'ik caensaed bouxcoz,

hopheux gij cungsim yinvu aen dangj, dog-
laeb bae guh gij hozdung hab gij daegdiemj
bouxcoz, gvansim gij gunghcoz、hagsib
caeuq swnghhoz bouxcoz, cietsaed vih boux-
coz fuzvu, fanjyingj gij yigen caeuq iugouz
bouxcoz hawj dangj caeuq cwngfuj, guh se-
vei gamduk, caeuq gak cungj yienhsiengq
sienghah bouxcoz nyezrauh guh doucwnggh,
baujhoh caeuq coicaenh bouxcoz nyezrauh
cangqheiq hungmaj.

Cungguek Gungcanj Cujyi Cinghnenz-
donz yaengx sang mbaw geiz aigoz kujyi,
genhgez henhoh caeuq fazcanj ndawgyang
daengx guek gak cuz bouxcoz bingzdwngj
doxgiet doxbang huzndei, couqmaenh gij yi-
siz Cunghvaz Minzcuz gungdungzdi; gya-
giengz caeuq gyoengq beixnuengx bouxcoz
Yanggangj Daegbied Hingzcwnggih、

gyoengq beixnuengx bouxcoz Aumwnz Daeg-
bied Hingzcwnnggih、 gyoengq beixnuengx
bouxcoz Daizvanh caeuq gyoengq beixnuengx
bouxcoz rog guek doxgiet, ciuq aen fuengcim
“ aen guekgya ndeu song cungj cidu ”, caez-
caemh coicaenh Yanghgangj、 Aumwnz
ciengzgeiz mwnhoengh onjdingh caeuq aen
daihnieb guekcoj dungjyiz ndaej guhbaenz.

Cungguek Gungcanj Cujyi Cinghnenz-
donz youq gwnz giekdaej henhoh gij doglaeb
caeuq cawjgienz guek raeuz, genhciz hoz-
bingz doxndei、 doglaeb gag guhcawj、 dox
hagsib、 bingzdwngj doxgap、 caezcaemh faz-
canj, genhciz gij yawjfab gvendaengz daudwz
caeuq leih'ik cingqdeng, gaenxmaenx faz-
canj yiengh gvanhaeh ndij gij kujciz bouxcoz
seiqgyaiq gak guek dox baedauq caeuq dox-
ndei, gaenx bae caeuqfaenh doicaenh gensez

“it rangh it loh” , fanjdui bagenz cujyi caeuq giengzgienz cwngci, henhoh seiqgyaiq hozbingz, coicaenh vunzloih cinbu, doidoengh laebhwnj aen minghyinh gungdungzdi j vunzloih.

Cungguek Gungcanj Cujyi Cinghnenz-donz yaek guhbaenz gij gihbwnj yinvu seizdaih moq, itdingh aeu mbouj soenghonz saekdi bae genhciz diuzroen ginzdonz fazcanj yiengh sevei cujyi miz Cungguek daegsaek, gaemdawz cwngcising aen lingzhoenz neix, haeujsim senhcinsing giz roengzrengz youq-gaenj neix, ndwn youq ginzcungsing aen daegdiemj gaenbonj neix, gyalae gajgwz aen donz, cienzmienh coengzyiemz guenj donz, mboujduenh daezsang gij sui jbingz gohyoz bae gensez aen donz. Aeu fazyangz gij conzdungj caeuq cozfungh ndei, sengdoengh lingzvued、gig miz cangcausing bae

guh gunghcoz, gensez gungcinghdonz baenz aen haedsim giengiengz comzgiet gyauyuz bouxcoz. Gij gensez aen donz itdingh aeu gvancez gij gihbwnj iugouz lajneix :

(1) Genhciz aen dangj lingjdauj. Daengx donz aeu genhciz gij gihbwnj loh-sienq aen dangj mbouj soenghonz, yungh Dwng Siujbingz Lijlun, “ Sam Aen Dai-byauj ” Cung’yau Swhsiengj, Gohyoz Faz-canjgvanh, Aen Swhsiengj Sevei Cuji Miz Cungguk Daegsaek Seizdaih Moq Siz Gimbingz caeuq gihbwnj loh-sienq aen dangj daeuj dungjyiz swhsiengj caeuq hengz-doengh, gak hangh gunghcoz aen donz cungj itdingh aeu fugcoengz caeuq fuzvu ginghci gensez aen cungsim neix, itdingh aeu dawz genhciz gaijgwz hailangh caeuq genhciz seiq hangh gihbwnj yenzcwz dungjyiz hwnjdaeuj,

hawj gihbwnj loh sienq aen dangj youq ndaw gunghcoz aen donz ndaej cienzmienh gvancez. Aeu laebmaenh gij yisiz cwngci、gij yisiz daihbuenz、gij yisiz haedsim、gij yisiz gaenhwnj, genhgez henhoh gij diegvih haedsim Dangjcunghyangh、haedsim daengz dangj Siz Ginbingz cungjsuhgi, genhgez henhoh gij gienzvi caeuq cizcungh dungjyiz lingjdauj aen Dangjcunghyangh aeu Siz Ginbingz dungzci guh haedsim haenx, genhgez gvancez gij eiqceiq caeuq cujcangh aen dangj, yiemzsouj cwngci gijliz caeuq cwngci gvigawj. Aeu genhciz gensez aen dangj daiqdoengh gensez aen donz, gvancez doeksaed gij iugouz aen dangj daengz ndaw gensez aen donz bae, nab gensez aen donz haeuj gij cungjdae j gveihva gensez aen dangj bae, caemh baijbouh caemh genjcaz caemh cungj-

gez.

(2) Genhciz dawz bang bouxcoz dingh-laeb lijsiengj cingqdeng、saenqniemh giendingh dangguh aen yinvu ceiq youqgaenj. It-dingh aeu ndwn youq aen diegsang lijsiengj saenqniemh neix, gaemmaenh aen cawjdaez seizdaih vih saedyienh aen loqsiengj Cung-guek Cunghvaz Minzcuz daih fukhwng bae haenqrengz guh, gikfat gij lizsij cwzyinganj caeuq gij cingsaenz haenqguh gyoengq bouxcoz, cujciz dungyenz gyoengq bouxcoz byaij youq baihnaj seizdaih. Aeu hopheux baujciz caeuq demgiengz donzyenz senhcinsing aen goqdaez seizdaih neix, cietsaed hawj donzyenz lai roxnyinh miznaj, fazveih gij mozfan cozyung donzyenz.

(3) Genhciz diuz sengminghsienq guh hong fuzvu bouxcoz. Aeu bouxcoz guh cung-

sim , daj bouxcoz aeuyungh hwnjdin , giengz-
vaq gij yisiz fuzvu , daezswng gij naengzlig
fuzvu , vat aeu swhyenz fuzvu , cien fueng
bak geiq vih bouxcoz baiz you gej nanz ,
engq lai gvansim bangcoh gij bouxcoz nyez-
rauh miz gunnanz de , henhoh gij gienzik
habfap bouxcoz nyezrauh , hawj donz cujciz
bienq baenz gij ligliengh mwh gyoengq boux-
coz bungz daengz gunnanz siengj ndaej
daengz 、 ra ndaej raen 、 baengh ndaej maenh .

(4) Genhciz minzcuj cizcunghci . Minz-
cuj cizcunghci dwg gij cujciz yenzcwz gaen-
bonj gungcinghdonz . Aeu cungfaen fazyangz
minzcuj , gingqcungh gij cawjdaej diegvih
donzyenz , cietsaed bauj Cang gij minzcuj
gienzleih donzyenz . Aeu saedhengz gij ciz-
cungh cingqdeng , gyagiengz cujcizsing
caeuq gijlizing , baujcwng gij gezyi aen donz

ndaej mizyauq gvancez caephengz.

(5) Genhciz gaijgwz cauhamoq. Doek-saed gij iugouz dangj gvendaengz gungcingh-donz gaijgwz, doicaenh cujciz caeuq gungh-coz cauxmoq, mboujduenh daezsang rengz-supyinx caeuq rengzgietcomz aen donz, mboujduenh gyadaih giz gunghcoz aen donz mizyauq goemq daengz. Gihcwngz cujciz dwg gij giekdaej sojmiz gunghcoz aen donz. Lingjdauj gihgvanh aen donz aeu dinghlaeb gij gvanhnen gihcwngz daih'it, fazyangz gij cozfungh guhsaed、gouzsaed, haeuj daengz gihcwngz、fuzvu gihcwngz, genhciz mbouj cuengqsoeng bae ca ndei gihcwngz gensez, mboujduenh demgiengz gij vuedlig gihcwngz.

(6) Genhciz coengzyiemz guenj donz. Aeu dawz gij biucinj yiemz、gij cosih yiemz lienndoeng daengz daengx aen gocwngz

caeuq gak aen fuengmienh coengzyiemz guenj donz bae. Genhciz ciuq gvicieng guenj donz, laebhwnj laebcaez gij gvicieng cidu dijhi ndaw donz. Sien daj donz ganbu bae yiemz, cungdenj gyagiengz guenjeix caeuq gamduk lingjdauj gihgvanh caeuq lingjdauj ganbu aen donz, genhgez fanjdui cungj ginghyang bienqbaenz gihgvanh、bienqbaenz hingzcwng、bienqbaenz gveicuz、bienqbaenz guhcaemz. Ciuq aen iugouz demgiengz cwngcising、seizdaihsing、yencwzsing、candou-sing, gyagiengz caeuq gveihfan cwngci swnghhoz ndaw donz, fazcanj gij cwngci vwnzva ndaw donz gaenxmaenx cangqheiq, cauh ok yiengh cwngci swnghdai ndei rumz seuq heiq cingq.

Aen Cunghyangh Veijyenzvei Cungguck Gungcanj Cujyi Cinghnenzdonz deng Aen

Cunghyangh Veijyenzvei Cungguek Gungcanjdangj lingjdauj, deihfueng cujciz caeuq gihcwngz cujciz aen donz deng aen veijyenzvei aen dangj doengzgaep lingjdauj, doengzseiz deng gij cujciz gaepgwnz aen donz lingjdauj.

Cungguek Gungcanj Cujyi Cinghnenzdonz deng Cungguek Gungcanjdangj dakhawj bae lingjdauj gij gunghcoz Cungguek Saunenz Senhfunghdui. Cungguek Gungcanj Cujyi Cinghnenzdonz dwg gij haedsim donz-dij veiyenz Cunghvaz Daengx Guek Cinghnenz Lenzhozvei, fazveih cujdauj cozyung. Cungguek Gungcanj Cujyi Cinghnenzdonz youz Cungguek Gungcanjdangj lingjdauj, bae dazyinx Cunghvaz Daengx Guek Hagseng Lenzhozvei guh gunghcoz.

Daih 1 Cieng Donzyenz

Daih 1 diuz Gij bouxcoz Cungguck nienzgeij youq 14 hopbi doxhwnj, 28 hopbi doxroengz haenx, cingznyinh gij canghcwngz aen donz, nyienh camgya ndaw donz aen cujciz ndeu caemhcaiq youq ndawde gaenx-maenx guh hong、caephengz gij gezyi aen donz caeuq ciuqgeiz gyau donzfei ne, ndaej sinhcingj gyahaeuj Cungguck Gungcanj Cujyi Cinghnenzdonz.

Donzyenz nienzgeij rim 28 hopbi, mbouj dang gij cizvu ndaw donz, wngdang banhleix gij soujsuz liz donz.

Donzyenz gyahaeuj gungcanjdangj gvaq-laeng lij baujlouz donzciz, nienzgeij rim 28 hopbi, mbouj youq ndaw donz dangnyaemh cizvu, mbouj caiq baujlouz donzciz.

Daih 2 diuz Donzyenz itdingh aeu hengzguh gij yivu lajneix :

(1) Roengzrengz hag Majgwzswh Lezningz Cujyi、Mauz Cwzdungh Swhsiengj、Dwng Siujbingz Lijlun、“Sam Aen Daibyauij” Cung’yau Swhsiengj、Gohyozi Fazcanjgvanh、Aen Swhsiengj Sevei Cujyi Miz Cungguek Daegsaek Seizdaih Moq Siz Ginbingz, hag gij gihbwnj cihsiz aen donz, hag gohyoz、vwnzva、faplwd caeuq yezvu cihsiz, mboujduenh daezsang gij bonjsaeh vih yinzminz fuzvu.

(2) Senhconz、caephengz gij gihbwnj loh sienq caeuq gak hangh fuengcim cwngcwz aen dangj, gaenx camgya gaijgwz hailangh caeuq gensez sevei cujyi yendaiva, roengzrengz guhbaenz gij yinvu donz cujciz gyauhawj, youq mwh hagsib、guh hong、gunghcoz

caeuq gizyawz sevei hozdung ndawde guh ok yiengh ndei.

(3) Gagrox ciuqsouj gij faplwd fapgvi guekgya caeuq gijliz aen donz, caephengz gij gezyi aen donz, fazyangz funghsang moq sevei cujyi, gaenx camgya ceiqnyienh fuzvu, sizcen aen haedsim gyacizgvanh sevei cujyi caeuq aen yungzyuzgvanh sevei cujyi, dizcang gungcanj cujyi daudwz, hungzyangz gij conzdungj meijdwz Cunghvaz Minzcuz, henhoh gij leih'ik guekgya caeuq yinzminz, vih baujhoh caizcanj guekgya caeuq yinzminz ginzcung ancienz gamj ndwn okdaeuj, yinghyungj doucwnggh.

(4) Ciepsouh gozfangz gyauyuz, demgiengz gozfangz yisiz, gaenx bae hengzguh gij yivu hendawz guekcoj.

(5) Hawsim yiengq yinzminz ginzcung

hagsib, mizsim bae bangcoh bouxcoz cinbu, gibseiz fanjyingj gij yigen caeuq iugouz bouxcoz.

(6) Guh baebingz caeuq gag baebingz, gamj bae byoengqlaeuh caeuq niujcingq gij gangjvah caeuq hengzdoengh loengloek, gamj bae gaijcingq loengcawq caeuq loengloek, gagrox bae henhoh doxgiet.

Daih 3 diuz Donzyenz yiengjmiz gij gienzleih lajneix:

(1) Camgya mizgven veiyi aen donz caeuq gak loih hozdung donz cujciz guh, ciepsouh donz cujciz gyauyuz caeuq beizyin.

(2) Youq ndaw donz miz gienzsenjgij, gienz deng senjgij caeuq gienzbyaujgez.

(3) Youq gwnz veiyi caeuq meizdij aen donz, camgya gij yaenglwnh gvendaengz hong aen donz caeuq gij vwndiz bouxcoz

gvansim, doiq gij hong aen donz daezok genyi, gamduk、baebingz lingjdauj gihgvanh aen donz caeuq boux gunghcoz yinzyenz aen donz.

(4) Danghnaeuz doiq gij gezyi aen donz miz yigen mbouj doengz, youq aen cenzdiz genhgez caephengz neix, ndaej baujlouz, caemhcai q ndaej yiengq cujciz gaep-gwnz aen donz daezok.

(5) Camgya aen veiyi donz cujciz yaenglwnh doiq swheij guh cawqfaen, caemhcai q ndaej baij leix, boux donzyenz wnq ndaej bang de guh cwngmingz caeuq bang de gangjvah.

(6) Yiengq ndaw donz mboujlwnh gaep cujciz lawz cigdaengz cunghyangh veijyenz-vei daezok cingjgouz、sinhsu caeuq gung-gau, caemhcai q iugouz mizgven cujciz hawj

aen dapfuk fucwz.

Ndaw donz mboujlwnh gaep cujciz lawz roxnaeuz bouxvunz lawz, cungj mbouj miz gienz dued bae gij gienzleih donzyenz.

Daih 4 diuz Fazcanj donzyenz, it-dingh aeu dawz cwngci biucinj cuengq youq vih daih'it, yiemzgek bae hengzguh gij soujsuz lajneix:

(1) Bouxcoz sinhcingj haeuj donz wnggai miz song boux donzyenz guh bouxgaisau.

(2) Bouxgaisau wngdang fucwz bae yiengq boux deng gaisau gangjmingz donz-cangh, yiengq gij cujciz aen donz gangjmingz gij swhsiengj、biujyienh caeuq ginglig boux deng gaisau.

(3) Bouxcoz iugouz haeuj donz aeu yiengq cihbu veijyenzvei daezok sinhcingj, dienz faenh saw gagnyienh haeuj donz, ging-

gvaq cihbu daihhoih yaenglwnh doenggvaq caeuq veijyenzvei gaepgwnz baecinj, cijndaej baenz donzyenz. Bouxcoz ndaej baecinj haeuj donz haenx, daj ngoenz cihbu daihhoih doenggvaq hwnj, ndaej miz donz-ciz.

Daih 5 diuz Boux donzyenz moq it-dingh aeu camgya aen yizsiz haeuj donz, youq laj fan geiz aen donz guh senhsi haeuj donz. Gij vah senhsi dwg yienghneix: Gou gagnyienh gyahaeuj Cungguek Gungcanj Cujyi Cinghnenzdonz, genhgez yungjhu Cungguek Gungcanjdangj lingjdauj, ciuqsouj canghcwngz aen donz, caephengz gij gezyi aen donz, hengzguh gij yivu donzyenz, yiemzsouj gijliz aen donz, gaenx hagsib, gaenx guh hong, gwnhoj youq gonq, yiengjsouh youq laeng, vih aen saehnieb gungcanj

cuji bae haenqrengz guh.

Daih 6 diuz Donzyenz daj aen gih-cwngz cujciz ndeu cienj daengz lingh aen gihcwngz cujciz, itdingh aeu gibseiz banhleix gij soujsuz ciepcienj cujciz gvanhaeh.

Daih 7 diuz Doiq boux donzyenz mozfan bae hengzguh gij yivu donzyenz, youq ndaw saehnieb gensez sevei cuji yendaiva caeuq hendawz guekcoj miz cingzcik yienhda de, gij cujciz aen donz wngdang hawj dajciengj.

Dajciengj faen baenz: Doengbauq biujyangz, youz gij veijyenzei cunghyangh, sengj, si, yienhgaep aen donz caeuq gihcwngz donzveij hawj aen cwngghauh gungcinghdonzyenz maenhndei.

Daih 8 diuz Donzyenz miz swyouz doiqok donz. Donzyenz iugouz doiqok donz

wngdang yiengq cihbu veijyenzvei gyau mbawsaw baugau, youz cihbu daihhoih gietdingh cawzmingz, caemhcaiq bauq hawj veijyenzvei gaepgwnz bwh'anq.

Donzyenz mbouj miz leixyouz cingq-dangq, lienzdaemh roek ndwen mbouj gyau donzfei、mbouj gvaq cujciz swnghhoz aen donz, roxnaeuz lienzdaemh roek ndwen mbouj guh gij hong donz cujciz faenboiq hawj, cungj deng nyinhnaeuz dwg gag duetliz donz. Donzyenz gag duetliz donz, wngdang youz cihbu daihhoih gietdingh cawzmingz, caemhcaiq bauq hawj veijyenzvei gaepgwnz baecinj.

Daih 9 diuz Gij cujciz caeuq donzyenz aen donz wngdang ciuq gvidingh bae guenjleix caeuq sawjyungh mbawcingq donzyenz.

Daih 2 Cieng Gij Cujciz Cidu Aen Donz

Daih 10 diuz Cungguek Gungcanj Cujyi Cinghnendonz dwg aen cingjdae dungjyiz ciuq minzcuj cizcunghci kujciz hwnjdaeuj haenx. Gij gihbwnj yenzcwz minzcuj cizcunghci aen donz dwg:

(1) Donzyenz goyinz fugcoengz kujciz, dingznoix fugcoengz dingzlai, kujciz gaepvaj fugcoengz kujciz gaepgwenz.

(2) Daengx guek lingjdauj gihgvanh aen donz, dwg daengx guek daibyauj daihhoih aen donz caeuq gij cunghyangh veijyenzvei de canjseng haenx. Deihfueng gak gaep lingjdauj gihgvanh aen donz, dwg gij daibyauj daihhoih aen donz doengzgaep caeuq gij veijyenzvei aen donz de canjseng

haenx, gak gaep veijyenzvei aen donz yiengq aen daibyauij daihhoih doengzgaep fucwz caemhcaiq baugau gij hong de.

(3) Gak gaep lingjdauj gihgvanh aen donz, cawzbae aen daibyauij gihgvanh gyoengqde baijok, cungj youz senjgij canj-seng.

(4) Gak gaep lingjdauj gihgvanh aen donz wngdang ciengzseiz dingqaeu caemhcaiq nyinhcaen cawqleix gij yigen cujcz gaep-laj caeuq donzyenz; cujcz gaep-laj aen donz gawq aeu yiengq cujcz gaepgwnz cingjsi、baugau gij hong de, youh aeu doglaeb fucwz bae gaijgez gij vwndiz ndaw cizcwz fanveiz bonjfaenh. Gak gaep cujcz aen donz aeu hawj donzyenz engq lai liujgaj nem caeuqfaenh gij hongsaeh ndaw donz.

(5) Gak gaep veijyenzvei aen donz

saedhengz aen cidu cizdij lingjdauj caeuq goyinz faengoeng fucwz dox giethab.

Daih 11 diuz Gak gaep veijyenzvei aen donz ndaej gaengawq gunghcoz sihyau, ndalaeb gij gunghcoz bumwnz habdangq. Yienhgaep doxhwnj gak gaep veijyenzvei aen donz ndaej baijok daibyauj gihgvanh.

Youq gak gaep daibyauj daihhoih aen donz haephoih geizgan, mwh cujciz aen dangj doengzgaep caeuq cujciz aen donz gaepgwenz nyinhnaeuz miz bizyau, ginggvaq caezcaemh yenzgiu, aeundaej yigen doxdoengz, ndaej diuhdoengh roxnaeuz ceijbaij bouxfucwz donz cujciz.

Daih 12 diuz Canjseng gij daibyauj caeuq veijyenzvei gak gaep daibyauj daihhoih aen donz, aeu daejyienh gij eiqceiq bouxsenjgij. Senjgij yungh cungj fuengsik

mbouj geiqmingz douzbiuq. Canjseng bouxdeqsienj aeu lai fazyangz minzcuj, mingzdan bouxdeqsienj aeu cungfaen caemciek yaeng-lwnh. Ndaej cigsoh yungh cungj banhfap ca'nggeg senjgij vunzsoq bouxdeqsienj lai gvaq vunzsoq wnggai sienj bae guh senjgij, hix ndaej yungh cungj banhfap ca'nggeg senjgij bae guh yawhsienj, canjseng mingzdan bouxdeqsienj, caiq bae guh daengjngeg cingqsik senjgij. Bouxsenjgij miz gienzleih liujgaj gij cingzgvang bouxdeqsienj、iugouz gaijbienq bouxdeqsienj、mbouj sienj saek boux bouxdeqsienj caeuq lingsienj bouxwnq. Mboujlwnh aen cujciz caeuq bouxvunz lawz cungj mbouj ndaej yungh yiengh fuengsik lawz giengzbik bouxsenjgij senjgij roxnaeuz mbouj senjgij moux bouxvunz.

Gij ganbu ndaw veijyenz、veijyenz deq-

bouj cunghyangh caeuq deihfueng gak gaep veijyenzei cienmonz guh hong aen donz haenx , diuhliz gij gangjvei aen donz , gij cizvu veijyenx roxnaeuz veijyenx deqebouj de gag mienxbae. Vunzsoq veijyenx giepnoix youz veijyenx deqebouj ciuq ndaej biuq lainoix baiz gonqlaeng bae dembouj , mienxbae caeuq dembouj itdingh aeu ginggvaq cienzhoih nyinhdingh.

Daih 13 diuz Aen veijyenzei aen donz yienhgaep caeuq yienhgaep doxhwnj , youq mwh miz bizyau ndaej ciucomz dai-byauj veiyi , yaenglwnh caeuq gietdingh gij vwndiz hungnaek aeu youz dai-byauj daihhoih gaijgez haenx. Dai-byauj veiyi ndaej diuzcingj caeuq demsienj mbangj cwngzyenz veijyenzei. Aen soq diuzcingj caeuq demsienj veijyenx caeuq veijyenx deqebouj veijyenzei ,

mbouj ndaej mauhgvaq aen cungjsoq gyoengq veijyenz caeuq veijyenz deqbouj youz aen daibyauj daihhoih gaep neix sienjok haenx sam faenh cih it. Gij mingznggeg caeuq gij banhfap canjseng gij daibyauj daibyauj veiyi, youz aen veijyenzvei ciucomz daibyauj veiyi haenx gietdingh.

Daih 14 diuz Gij hong caeuq daengx donz mizgven, youz gij cunghyangh veijyenz-vei aen donz guh ok gietdingh, dungjyiz anbaiz.

Gij bauganh caeuq gizyawz hongdawz senhconz gak gaep donz cujciz, itdingh aeu senhconz gij lohsienq、fuengcim caeuq cwngcwz aen dangj, senhconz gij gezyi caeuq gunghcoz yinvu aen donz cujciz gaep-gwnz caeuq aen cujciz bonjgaep, fanjyingj gij yigen caeuq iugouz bouxcoz.

Daih 3 Cieng Gij Cunghyangh Cujciz Aen Donz

Daih 15 diuz Gij daengx guek dai-byauj daihhoih aen donz moix haj bi hai baez ndeu, youz cunghyangh veijyenzvei ciu-comz, youq mwh cingzgvang daegbied, ndaej daezgonq roxnaeuz doilaeng ciuhai.

Gij mingznggeg caeuq gij banhfap canj-seng gyoengq daibyauj daengx guek daibyauj daihhoih, youz cunghyangh veijyenzvei gietdingh.

Daih 16 diuz Gij cizgenz daengx guek daibyauj daihhoih aen donz dwg:

(1) Saemjcaz caeuq baecinj gij gungh-coz baugau cunghyangh veijyenzvei;

(2) Yaenglwnh caeuq gietdingh gij gunghcoz fuengcim、yinvu caeuq mizgven

saehhangh hungnaek daengx donz;

(3) Coihgaij gij canghcwngz aen donz;

(4) Senjgij cunghyangh veijyenzvei.

Youq daengx guek daibyauj daihhoih haephoih geizgan, cunghyangh veijyenzvei caephengz gij gezyi daengx guek daibyauj daihhoih, lingjdauj sojmiz gunghcoz aen donz.

Daih 17 diuz Gij daengxcungq veiyi cunghyangh veijyenzvei aen donz senjgij geij boux cangzvu veijyenz, kujbaenz cangzvu veijyenzvei; senjgij boux daih'it suhgi ndeu caeuq geij boux suhgi, kujbaenz suhgicu. Gij daengxcungq veiyi cunghyangh veijyenzvei youz cangzvu veijyenzvei ciucomz, moix bi ceiqnoix hai baez ndeu. Youq cunghyangh veijyenzvei daengxcungq veiyi caeuq cangzvu veijyenzvei haephoih geizgan, suhgicu

hengzsawj gij cizgenz cunghyangh veijyenz-
vei.

Daih 4 Cieng Gij Deihfueng Cujciz Aen Donz、Gij Cujciz Aen Donz Ndaw Gaijfangginh Caeuq Vujgingj Budui

Daih 18 diuz Gij daibyauj daihhoih
sengj、swcigih、cizyazsi aen donz, gij dai-
byauj daihhoih aen si laeb gih caeuq swci-
couh, gij daibyauj daihhoih yienh(giz)、sw-
ciyen、aen si mbouj laeb gih caeuq aen gih
gvi si guenj moix haj bi hai baez ndeu, it-
buen youq baihlaeng gij daibyauj daihhoih
aen dangj doengzgaep bi ndeu dauqndaw
ciuhai.

Gij deihfueng gak gaep daibyauj daih-
hoih aen donz youz gij veijyenzvei aen donz
doengzgaep ciucomz. Youq mwh cingzgvang

daegbied , ginggvaq gij veijyenzvei aen dangj doengzgaep caeuq gij veijyenzvei gaepgwnz aen donz baecinj , ndaej daezgonq roxnaeuz doilaeng ciuhai.

Daih 19 diuz Gij cizgenz deihfueg gak gaep daibyauj daihhoih aen donz dwg :

(1) Saemjcaz caeuq baecinj gij gungh-coz baugau aen veijyenzvei doengzgaep ;

(2) Yaenglwnh caeuq gietdingh gij gunghcoz yinvu caeuq mizgven saehhangh hungnaek aen donz bonj digih ;

(3) Senjgij gij veijyenzvei doengzgaep ;

(4) Senjgij gyoengq daibyauj bae hai aen daibyauj daihhoih aen donz gaepgwnz ndeu.

Deihfueg gak gaep veijyenzvei aen donz youq mwh daibyauj daihhoih haephoih geizgan , caephengz gij ciji donz cujcz

gaepgwnz caeuq gij gezyi daibyauj daihhoih aen donz doengzgaep, lingjdauj gij gunghcoz aen donz bonj dieg, dinghgeiz yiengq veijyenzvei aen donz gaepgwnz baugau gunghcoz.

Daih 20 diuz Gij daengxcungq veiyi deihfueg gak gaep veijyenzvei aen donz senjgij aen cangzvu veijyenzvei caeuq boux suhgi、fusuhgi gak aen veijyenzvei gaep neix. Gij daengxcungq veiyi deihfueg gak gaep veijyenzvei aen donz youz cangzvu veijyenzvei ciucomz, moix bi ceiqnoix hai baez ndeu. Youq veijyenzvei daengxcungq veiyi haephoih geizgan, youz cangzvu veijyenzvei hengzsawj gij cizgenz veijyenzvei.

Cujbaenz deihfueg gak gaep veijyenzvei aen donz, itdingh aeu ginggvaq gij veijyenzvei aen dangj doengzgaep caeuq gij veijyenzvei aen donz gaepgwnz baecinj.

Daih 21 diuz Gij hong aen donz ndaw Cungguek Yinzminz Gaijfangginh caeuq Cungguek Yinzminz Vujcangh Gingjaz Budui, dwg aen bouhfaenh youqgaenj gapbaenz gij cwngci gunghcoz gaijfangginh caeuq vujgingj budui, youz Cunghyangh Ginhsw Veijenzvei lingjdauj. Gij cujciz aen donz ndaw Cungguek Yinzminz Gaijfangginh caeuq Cungguek Yinzminz Vujcangh Gingjaz Budui, youz aen dangj cujciz bonj danhvei daeuj lingjdauj, gaengawq canghcwngz aen donz、《 Gij Diuzlaeh Cwngci Gunghcoz Cungguek Yinzminz Gaijfangginh 》 caeuq mizgven gvidingh bae guh gunghcoz.

Daih 5 Cieng Gij Gihcwngz Cujciz Aen Donz

Daih 22 diuz Giyez、lajmbanj、gih-

gvanh、hagdangz、gohyenz yensoj、gaihdau segih、sevei cujciz、yinzminz gaijfangginh lenzdui、yinzminz vujcangh gingjaz budui cunghdui caeuq gihcwngz danhvei wnq, fanzdwg miz sam boux donzyenz doxhwnj, cungj wngdang laeb aen gihcwngz cujciz aen donz.

Gij gihcwngz cujciz aen donz, gaen-gawq gunghcoz sihyau caeuq donzyenz vunz-soq, ginggvaq gij veijyenzvei aen donz gaep-gwnz baecinj, faenbied ndalaeb gihcwngz veijyenzvei、cungjihbu veijyenzvei、cihbu veijyenzvei aen donz.

Youq baihlaj gihcwngz veijyenzvei、cungjihbu veijyenzvei laebhwnj cihbu. Danghnaeuz miz gunghcoz sihyau, youq baihlaj gihcwngz veijyenzvei hix ndaej laebhwnj cungjihbu. Youq ndaw aen cihbu ndeu

ndaej faen baenz geij aen siujcuj.

Cihbu veijyenzvei、cungjihbu veijyenzvei youz donzyenz daihhoih senjgij canjseng, moix gaiq nyaemhgeiz song bi roxnaeuz sam bi, ndawde, aen cihbu veijyenzvei hagseng dayoz、cunghyoz moix gaiq nyaemhgeiz bi ndeu. Gihcwngz veijyenzvei youz donzyenz daihhoih roxnaeuz daibyauj daihhoih senjgij canjseng, moix gaiq nyaemhgeiz sam bi daengz haj bi, itbuen caeuq gij nyaemhgeiz veijyenzvei aen dangj doengzgaep baujciz doxdoengz.

Daih 23 diuz Laeb gij gihcwngz cujciz aen donz, wngdang daj saedsaeh bae guh, ndaej mbouj vanzcienz doiqwnq gij genci dangj cujciz caeuq hingzcwng. Aeu hab'wngq gij daegdiemj gaihdau segih、gij ginghci cujciz mbouj dwg gunghyoujci、sevei

cujciz daengj danhvei caeuq lingjyiz, hab'wngq gij daegdiemj donzyenz bouxcoz riuzdoengh caeuq faenbouh conzgyonj, lingz-vued laeb gij cujciz aen donz.

Daih 24 diuz Gij gihcwngz cujciz aen donz dwg aen gihbwnj danhvei gij gunghcoz caeuq hozdung aen donz, wngdang cungfaen fazveih gij haedsim cozyung comzgiet gyauyuz bouxcoz. Gij gihbwnj yinvu de dwg:

(1) Cujciz donzyenz caeuq bouxcoz bae hagsib Majgwzswh Lezningz Cujyi、Mauz Cwzdungh Swhsiengj、Dwng Siujbingz Lij-lun、“Sam Aen Daibyauj” Cung'you Swhsiengj、Gohyoz Fazcanjgvanh、Aen Swhsiengj Sevei Cujyi Miz Cungguck Daegsaek Seizdaih Moq Siz Ginbingz, hagsib gij loh-sienq、fuengcim caeuq cwngcwz aen dangj, hagsib donzcangh caeuq gij gihbwnj cihsiz

aen donz, hagsib gohyoz、vwnzva、faplw d caeuq yezvu.

(2) Senhconz、caephengz gij cijsi caeuq gezyi aen dangj caeuq donz cujcz, caeuqfaenh minzcuj guenjieix caeuq minzcuj gamduk, cungfaen fazveih gij mozfan cozyung donzyenz, gaenx bae cauhaeb senhcin ceng guh maenhndei, comzgiet daiqlingx bouxcoz gaenx bae gyahauej gajgwz hailangh caeuq yendaiva gensez, vih sevei cujyi ginghci gensez、cwnghi gensez、vwnzva gensez、sevei gensez、swnghdai vwnzmingz gensez ok goengrengz.

(3) Gyauyuz donzyenz caeuq bouxcoz bae hagsib banlaux gwzming, ciepswnj gij conzdungj maenhndei aen dangj, fazyangz gij daudwz funghsang sevei cujyi, hungzyangz gij cujsenzliz gwnz vangj, laebhwnj

cungj gvanhnen moq caeuq gaijgwz hailangh ndij sevei fazcanj dox hab'wngq, gagrox bae daeqceih gij ginghyang mbouj ndei, genhgez caeuq gak cungj hingzveiz famh gijliz famh faplwd guh doucwnggh.

(4) Liujgaij caeuq fanjyingj gij swhsiengj、iugouz donzyenz caeuq bouxcoz, henhoh gij gienzik gyoengqde, gvansim gij hagsib、gunghcoz、swngghoz caeuq yietnaiq gyoengqde, guh vwnzva、yizloz、dijyuz hozdung.

(5) Gungganq gyauyuz gij bouxcoz iugouz gyahaeuj aen donz haenx, guh ndei gij hong ciengzseiz fazcanj donzyenz, sougyau donzfei, banhleix gij soujsuz boux donzyenz mauhgvaq nienzgeij de liz donz.

(6) Doiq donzyenz guh gyauyuz、guenjleix caeuq fuzvu, laebcaez gij cujcz

swnghhoz aen donz, doeksaed hangh cidu
“sam aen hoih song cungj cidu dangz goq
ndeuh”, guh baebingz caeuq gag baebingz,
gamduk donzyenz cietsaed hengzguh yivu,
baujjang gij gienzleih donzyenz mbouj deng
ciemqfamh, byaujjangh senhcin, caephengz
gij gijliz aen donz.

(7) Aeu gij gihbwnj cihsiz aen dangj
gyauyuz donzyenz, doigawj boux donzyenz
maenhndei guh boux duisieng fazcanj haeuj
dangj; fatyienh caeuq gungganq vunzcaiz
maenhndei ndaw bouxcoz, doigawj gyoengq-
de haeuj daengz doengh aen gangjvei swngh-
canj caeuq gunghcoz engqgya youqgaenj bae.

Daih 25 diuz Donzcihbu dwg giek-
daej cujciz aen donz, rapdawz gij cizcwz cig-
soh gyauyuz donzyenz、guenjieix donzyenz、
gamduk donzyenz caeuq cujciz bouxcoz、

senhconz bouxcoz、comzgiet bouxcoz、fuzvu bouxcoz.

Daih 26 diuz Doiq gij gihcwngz cuj-ciz aen donz gunghcoz hozyoz、cingzcik yienhda de, gij cuj-ciz aen donz gaepgwnz wngdang hawj dajciengj.

Dajciengj faen baenz: Doengbauq biuyangz, youz aen veijyenzvei aen donz cunghyangh、sengj、si、yienhgaep caeuq gihcwngz donzvej hawj yiengh cwnghauh Haj Seiq Geizhoengz Donz Cujciz.

Daih 6 Cieng Gij Ganbu Aen Donz

Daih 27 diuz Gij ganbu aen donz dwg gij guzgan guh hong aen donz, itdingh aeu giendingh lijsiengj saenqniemh、sim gvaq-niemh gyoengq bouxcoz、daezsang gunghcoz naengzlig、dizlien cozfung nder. Gung-

cinghdonz aeu gvancez aen yenzcwz dangj guenj ganbu, genhciz miz dwz miz caiz、aeu dwz cuengq baihgongq, genhciz seiq fueng bet baih、yawj caiz yungh vunz, genhciz aeu saehnieb cuengq baihgongq、goengdauh cingqbaiq, youq mwh “baujlouz guzgan、gujli lauxhangz”, yawjnaek gungganq genj-leh daezswng ganbu coz maenhndei, roengz-rengz hawj aen duivuj donz ganbu guhbaenz gangj gwzming、bienq nienzoiq、miz cihsiz caeuq baenz ciennieb, laebbaenz aen duivuj donz ganbu hab gij daegdiemj ginzdonz cunj-ciz、gig miz rengzhoengh.

Daih 28 diuz Gak gaep lingjdauj ganbu aen donz itdingh aeu guh daengz cungcig cinghseuq gamj dangrap, saenqniemh gien-dingh、vih yinzminz fuzvu、gaenx goengsaeh guh saedsaeh、gamj rap cwzyin、ndang

cingq fwngz seuq, guh yienghndei hawj donzyenz caeuq bouxcoz, mozfan bae hengz-guh gak hangh yivu donzyenz, naihaemz hagsib、gaenxmaenx guh hong、gamj bae dajcauh、gagrox okrenz, guh boux ganbu hawj dangj cuengqsim、bouxcoz habhoz.

(1) Cwngci fuengmienh aeu gien-giengz. Miz aen suiijingz Majgwzswih Lezingz Cujyi、Mauz Cwzdungh Swhsiengj、Dwng Siujbingz Lijlun、 “ Sam Aen Dai-byauj ” Cung’yau Swhsiengj、Gohyoz Fazcanj-gvanh doxwngq, daiqdaeuz gvancez doek-saed Aen Swhsiengj Sevei Cujyi Miz Cung-guek Daegsaek Seizdaih Moq Siz Ginbingz, yaengx sang mbaw geiz lijsiengj, genhciz gangj hagsib、gangj cwngci、gangj cingq-heiq, genhgez caephengz gij gihbwnj loh-sienq caeuq gak hangh fuengcim cwngcwz

aen dangj, laebceiq gaijgwz hailangh, gya-haeuj aen saehnieb gensez sevei cujyi yendaiva.

(2) Hagsib aeu naihhaemz. Daiqdaeuz hag cwngci、ginghci、vwnzva、lizensij、fap-lwd、gohyoz gisuz caeuq gij guenjleix cihsiz ciuhneix, laeng ndaw saw hag, laeng sizcen hag, laeng bouxcoz hag, roengzrengz daezsang gij bonjsaeh guh hong gyoengq bouxcoz, mboujduenh daezsang gij suijsingz swhsiengj cwngcwz caeuq gij naengzlig saedcaeq gunghcoz.

(3) Guh hong aeu gaenx. Gig mizsim guh gwzming saehnieb caeuq roxnyinh cwzyin naekcaem, gaenx bae ngeixnaemj, gamj bae cauhmoq, nyig nanz bae guh, gaenxmaenx cujdung bae youq ndaw bouxcoz guh gunghcoz, roengzrengz guh ok saedcik.

(4) Cozfungh aeu yiemzsaed. Cingsaenz gvaekgvaek, ciuq saedsaeh bae guh, fazyangz minzcuuj, gamj siengj gamj guh, roengz daengz gihcwngz bae, diucaz yenzgiu, gangj vahsaed, banh saehsaed, gouz saedyauq, fanjdui hingzsiz cujyi、gvanhliuz cujyi、yangjloz cujyi caeuq fungheiq saisaengq, daiqdaeuz cigsoh lienzhaeh bouxcoz, mizsim bae vih bouxcoz fuzvu, caeuq bouxcoz guh baengzyoux roxsim.

(5) Binjdwz aeu sangndei. Goq daengz daihbuenz, goengdauh cingqbaiq, comzgiet dungzci, haengj bang vunz, lauxsaed giemhaw, ndang cingq fwngz seuq, miz cungj cingsaenz gag guh baebingz, gagrox ciepsouh donzyenz caeuq bouxcoz gamduk.

Daih 29 diuz Gak gaep cujciz aen donz rapmiz gij cwzyin bang dangj guenjleix

donz ganbu. Aeu gyagiengz genjyungh、
gungganq caeuq guenjeix donz ganbu, hai-
gvangq diuz miengloh ganbu laizyenz, yawj-
naek youq ginghci sevei fazcanj giz ceiq aeu
yungh、gihcwngz itsienq caeuq giz gunnanz
haemzhoj donlen ganbu; laebhwnj aen cidu
beizyin cwnggveih, banh ndei gak gaep
donzyau, dawznaek cwngci beizyin, laeb-
hwnj cungj cwngci hagdangz dangj youq aen
lingjyiz hong bouxcoz miz daegsaek sien-
mingz; laebhwnj caeuq laebcaez aen cidu
gaujhaed、gamduk caeuq cazdawz gij cwzyin
donz ganbu; cujdung yiengq mizgven dangj-
vej caeuq donzvej doigawj gij vunzsenj
bouxucwz donz cujciz gaep laj roxnaeuz
doengzgaep, doiq diuhdoengh donz ganbu
daezok genyi.

Gak gaep cujciz aen donz aeu gvansim gij

gunghcoz、hagsib、swnghhoz caeuq yietnaiq donz ganbu, roengzrengz bang gyoengqde gaij-gez saedcaeq vwndiz, gaenx vih gyoengqde hungmaj caeuq cienjnieb cauh ok diuzgen.

Doiq boux donz ganbu gunghcoz miz cingzcik yienhda de, gij cujciz aen donz wngdang biujyangz caeuq dajciengj.

Daih 30 diuz Donz ganbu aeu nyinh-caen liujgaij daengxbuenz hong dangj cujciz, cujdung veibau gij gunghcoz cingzgvang aen donz, gaenxmaenx fucwz bae fatbiuj yigen, giethab gij gunghcoz saedcaeq aen donz, miz dajcauh bae guhbaenz gij yinvu dangj cujciz gyauhawj.

Daih 7 Cieng Gij Gijliz Aen Donz

Daih 31 diuz Gij gijliz aen donz dwg

gij hingzveiz gveihcwz gak gaep cujciz aen donz caeuq daengxcungq donzyenz itdingh aeu ciuqsouj, dwg gij baujcwng henhoh aen donz miz aen dangj lingjdauj le ndaej doxgiet dungjyiz、guhbaenz gij cizcwz sawjmingh aen dangj gyauhawj. Donz cujciz itdingh aeu yiemzgek caephengz caeuq henhoh gij gijliz aen donz, gungcinghdonzyenz itdingh aeu gagrox ciepsouh gij gijliz aen donz hanhhaed.

Daih 32 diuz Doiq doengh boux donzyenz famh gij gijliz aen donz, gij cujciz aen donz wngdang ciuq yiengh cingsaenz hit gonq re laeng、yw bingh gouq vunz, guh baebingz caeuq bangcoh, danghnaeuz cingz-cez yiemzcungh, hawj gijliz cawqfaen.

Daih 33 diuz Doiq donzyenz guh gijliz cawqfaen miz haj cungj: Gingjgau、yiemzcungh gingjgau、siubae gij cizvu ndaw

donz、louz donz cazyawj、haicawz donzciz.

Gij seizgan louz donz cazyawj dwg roek ndwen roxnaeuz bi ndeu. Donzyenz youq ndaw geizgan louz donz cazyawj mbouj miz gienzsenjgij、gienz deng senjgij caeuq gienzbyaujgez, mbouj ndaej guh bouxgaisau hawj bouxcoz haeuj donz. Louz donz cazyawj rimgeiz, danghnaeuz gaenq gaijcingq loengloek, wngdang gibseiz hoizfuk gij gienzleih donzyenz gwnzneix gangj de; danghnaeuz genhciz mbouj gaijcingq loengloek, wngdang haicawz donzciz.

Daih 34 diuz Doiq donzyenz guh gijliz cawqfaen, itdingh aeu ginggvaq aen daihhoih cihbu yaenglwnh doenggvaq, bauq hawj gihcwngz veijyenzvei aen donz baecinj; baecinj le, bauq hawj gihcwngz veijyenzvei aen dangj doengzgaep bwh'anq. Youq mwh

cingzgvang daegbied, gak gaep veijyenzvei aen donz yienhgaep caeuq yienhgaep doxhwnj miz gienz cigsoh gietdingh doiq donzyenz guh gijliz cawqfaen; danghnaeuz gij vwndiz nangqdaengz de haemq youqgaenj roxnaeuz fukcab, roxnaeuz yaek doiq donzyenz guh gij cawqfaen haicawz donzciz, itdingh aeu ginggvaq aen veijyenzvei sengjgaep roxnaeuz cunghyangh aen donz baecinj.

Daih 35 diuz Gij cujciz aen donz doiq donzyenz guh ok gij gietdingh cawqfaen, itdingh aeu yiemzsuk siujsim, ciuq saedsaeh bae guh. Cihbu daihhoih youq mwh yaenglwnh gietdingh doiq donzyenz guh cawqfaen, cawzbae cingzgvang daegbied, wngdang hawj bonjvunz de camgya, nyinhcaen dingqaeu gij yigen bonjvunz; danghnaeuz gietdingh gvaqlaeng bonjvunz mbouj

fug, ndaej daezok sinhsu, mizgven donz cuj-
ciz itdingh aeu fucwz cawqleix roxaeuz
riengjvaiq cienjsoengq, mbouj ndaej gaeuat;
doiq doengh boux caen dwg genhciz gij yigen
loengloek caeuq gij iugouz mbouj miz dauh-
leix de, aeu doiq de guh baebingz gyauyuz.

Daih 36 diuz Donz cujciz danghnaeuz
youq henhoh gij gijliz aen donz fuengmienh
mbouj caenh cizcwz, veijyenzvei aen donz
gaepgwnz wngdang cazdawz cwzyin gyoengq-
de.

Daih 8 Cieng Donzgiz、Donzveih、 Donzgoh

Daih 37 diuz Gij najgeiz mbaw geiz
Cungguek Gungcanj Cujyi Cinghnenzdonz
dwg saekhoengz, siengcwngh gwzming

ndaejhingz; gak swix baihgwnz cangdiemj miz vujgozsingh saekhenj, seiqhenz de heux aen luenz saekhenj, siengcwngh daih boux-coz Cungguek gaenjmaed comzgiet youq seiqhenz Cungguek Gungcanjdangj.

Daih 38 diuz Aen donzveih Cungguek Gungcanj Cujyi Cinghnenzdonz youz mbaw geiz aen donz、loeknyaz、riengzmienh、daengngoenz ngamq hwnj caeuq ronghywg de、diuz sai sij miz “Cungguek Gungcinghdonz” haj cih saw gapbaenz. De siengcwngh gungcinghdonz miz gij ronghlwenq Majgwzsw h Lezningz Cujyi、Mauz Cwzdungh Swhsiengj ciuqrongh, comzgiet bouxcoz gak minzcuz, coh aen fuengyiengq aen dangj dazyinx de haenqrengz baenaj.

Daih 39 diuz Diuz donzgoh Cungguek Gungcanj Cujyi Cinghnenzdonz dwg 《Naj-

rongh Ha , Cungguck Gungcinghdonz》.

Daih 40 diuz Gij donzgiz、donzveih、donzgoh Cungguck Gungcanj Cujyi Cingh-nenzdonz dwg gij siengcwngh caeuq geiq-hauh Cungguck Gungcanj Cujyi Cingh-nenz-donz. Aeu ciuq gvidingh cauuhuh caeuq sawjyunggh donzgiz、donzveih、donzgoh.

Daih 9 Cieng Gij Cienzawj Aen Donz

Daih 41 diuz Gij cienzawj aen donz cujyau laizloh dwg: Gij donzfei donzyenz gyaunab、gij ginghfei gvendaengz saehnieb bouxcoz nyezrauh dangj caeuq cwngfuj caeuqlienz giyez swyez danhvei ndij gij gunghcoz ginghfei aen donz、gij cienz ndaw-biengz bangcoengh cingq dangq caeuq donz cujciz gizyawz souhaeuj habfap.

Daih 42 diuz Aen fuengfap gyaunab

caeuq guenjeix sawjyungh donzfei youz
cunghyangh veijyenzei dungjyiz gvidingh.

Daih 10 Cieng Gij Gvanhaeh Aen Donz **Caeuq Saunenz Senhfunghdui**

Daih 43 diuz Cungguek Saunenz
Senhfunghdui dwg aen ginzdonz cujciz
gyoengq lwgnyez nyezrauh Cungguek, dwg
aen hagdangz hawj gyoengq lwgnyez nyez-
rauh hagsib yiengh sevei cujyi miz Cungguek
daegsaek caeuq gungcanj cujyi, dwg aen
doih yawhbwh gensez sevei cujyi caeuq
gungcanj cujyi. Gungcinghdonz aeu fazyangz
yiengh conzdungj “daengx donz daiq dui”,
laebcaez gak gaep gunghcoz gihgou sausen-
hdui cujciz, gyagiengz gensez sausenhdui cuj-
ciz, haeujcoengh sausenhdui miz dajcauh
bae guh cujciz gyauyuz、gag gyauyuz、sizcen

hozdung, baujhoh caeuq gvansim goengq lwgnyez nyezrauh hungmaj, genhciz aeu gij swhsiengj sevei cujyi caeuq gij cingsaenz gungcanj cujyi bae gyauyuz gyoengq lwgnyez nyezrauh, dazyinx gyoengqde dingq gij vah aen dangj, ndeindei hagsib, ngoenzngoenz cinbu, daj iq hagsib baenzlawz guhvunz, daj iq hagsib baenzlawz laebceiq, daj iq hagsib baenzlawz dajcauh, gyaez guekcoj, gyaez yinzminz, gyaez guhhong, gyaez gohyoz, gyaez sevei cujyi, donlen ndangdaej, gungganq naengzlig, hagsib caeuq hengzguh gij haedsim gyacizgvanh sevei cujyi, roengzrenz maj baenz boux vunz moq seizdaih rapdawz aen rapnaek fukhwng minzcuz, guh bouxciepan aen saehnieb gungcanj cujyi.

Gij cujciz gungcinghdonz ndaw cunghyoz wnggai youq sausenhduiyenz caengz

haeuj donz gaxgonq gyagiengz guh gungganq
gyauyuz, sausenhduei cujciz wnggai gaenx
doigawj boux sausenhdueiyenz maenhndei
dangguh gij duisieng fazcanj haeuj donz.

Daih 44 diuz Gij cujciz aen donz
genjbaij boux donzyenz maenhndei roxnaeuz
binqcingj boux lauxsae、boux vunz senhein
caeuqlienz gizyawz yinzyenz swhsiengj cin-
bu、cozfungh cingqbaiq、cihsiz fungfouq、
ndiepgyaez lwgnyez nyezrauh haenx, dang
boux fujdaujyenz saunenz senhfunghdai,
caemhcai q gvansim gij swhsiengj、gunghcoz、
swnghhoz gyoengqde, bang gyoengqde
mboujduenh daezsang gij sui jbingz cwngci
caeuq yezvu. Doiq boux fujdaujyenz caeuq
boux guh hong sausenhduei cingzci yienhda
de, wnggai hawj biujyangz caeuq dajciengj.